Tertib Surah	Nama Surah	Bilangan Ayat	Bilangan Ruku`	Makkiyyah / Madaniyyah	Tertib Turun	Bilangan Paragraf
Ke-38	Shad	88	5	Makkiyyah	Ke-37	8
bedrod a		Penutup		Pend		Allah denga Setelah daca
wicz. Serej			8	Pendahulu Parac	an >	Di dalam a mengaw
Rasulullah Cai	in all all all all all all all all all al	AN		Paragrafi Ayat 1-16		1
Rasulullah Cai	kezaliman lahisa Ayat 65.85	1. Seruan	sej Uta supaya berii terakhir (منذر	man kepada	Paragraf 2 Paragraf 17-29 Ayat 17-29	rigan Daud
		menerima s kepada		dan percaya ian yang	29	
kepada orang orang bertaqwa dan derhaka yang derhaka	Paragraf 6 Paragraf 6 Ayat 49-64 Ayat 9-64 Balasan yang berberang yang	yang amat	keras terhad	dan teguran ap kedegilan	Paragraf 3	nen
dan orang	Paragraf 6 Paragraf 6 Ayat 49-64 Ayat 9-64 Balasan yang berbera	入		g-orang kafir	Ayar 30-40	an Sulaiman
13		Paragraf Ayat 45-4	5 1	Paragraf A Ayat 41-44	X &	
	Tisah	lain-lain nal	11-	Kisah Ayyub	>	
		"Idl	01			

Zaman Diturunkan

Ia diturunkan sekitar tahun ke-10 Kenabian, ketika itu Abu Thalib sedang sakit yang membawa beliau meninggal dunia, Rasulullah s.a.w. pula dituduh sebagai tukang sihir dan pendusta. Orang-orang musyrikin Mekah begitu sombong dan degil, mereka mendustakan seruan al-Qur'an.

Perkaitan Surah Shad Dengan Surah Sebelum Dan Selepasnya

- 1. Di dalam Surah as-Shaffat telahpun diberi gambaran tentang khidmat Nabi Nuh, Ibrahim, Musa, Harun, Ilyas, Luth dan Yunus dalam menyebarkan ajaran tauhid, peribadi mulia mereka juga ditonjolkan. Dalam Surah Shad ini pula ditonjolkan sifat أوَّ البِيّة (suka merujuk dan kembali kepada Allah serta memohon keampunan kepadaNya) Nabi Daud, Sulaiman dan Ayyub dalam segala perkara yang dihadapi. Sumbangan para nabi yang lain dan keperibadian semua mereka yang mulia juga ditonjolkan.
- 2. Di dalam Surah az-Zumar nanti, setelah dinyatakan di dalamnya tentang aqidah tauhid yang murni, manusia diseru supaya memilihnya dan menerimanya.

Beberapa Kata Kunci Dan Tema Utama Surah

1. Di dalam Surah Shad terdapat pengenalan tentang al-Qur'an.

Seruan supaya merenungi al-Qur'an, menerimanya sebagai panduan hidup pula mendatangkan pahala yang besar.

(a) Al-Qur'an adalah sebuah kitab nasihat, al-Qur'an sendiri telah dikemukakan sebagai dalilnya. (Ayat: 1).

(b) Al-Qur'an adalah sebuah kitab nasihat dan ia merupakan hujjah daripada Allah untuk sekalian penduduk alam (Ayat: 87).

(c) Al-Qur'an adalah sebuah kitab nasihat yang menjamin kesudahan yang baik untuk orang-orang yang mempercayainya dan mengamalkan ajaran-ajaran yang terkandung di dalamnya (Ayat: 49).

(d) Al-Qur'an adalah sebuah kitab yang penuh berkat dan sangat bermanfa'at. Setiap manusia yang beraqal seharusnya mengambil pengajaran daripadanya dengan merenungi dan mengkajinya (Ayat: 29).

2. Di dalam surah ini juga digambarkan sikap orang-orang musyrikin Mekah.

(a) Orang-orang musyrikin Mekah menyatakan kehairanannya dengan berkata: "Adakah Muhammad menjadikan tuhan-tuhan yang banyak itu sebagai satu tuhan saja?" (Ayat: 5).

(b) Orang-orang musyrikin Mekah juga menyatakan kehairanannya dengan berkata: "Kenapa al-Qur'an itu diturunkan hanya kepada Muhammad" dan mereka terus meraguinya (Ayat: 8).

(c) Pemimpin-pemimpin musyrikin Mekah, kerana kedegilan dan keras kepala mereka berazam untuk terus memuja tuhan-tuhan mereka (Ayat: 6).

(d) Kepada orang-orang musyrikin dikatakan bahawa Rasulullah s.a.w. hanya seorang pengancam dan pemberi amaran dan beliau hanya mengajarkan bahawa tiada tuhan yang lain selain Allah (Ayat: 65).

(e) Rasulullah s.a.w. sebelum dilantik menjadi nabi dan rasul, tidak mengetahui tentang alam yang lain. Tetapi setelah diberi wahyu barulah Baginda mengetahui tentangnya lalu Baginda diutuskan sebagai ننير (pemberi ancaman) kepada manusia (Ayat: 70).

(f) Surah ini juga mendedahkan tentang penyakit jiwa yang dialami orang-orang musyrikin Mekah bahawa mereka tidak hendak memahami al-Qur'an, sebaliknya mereka bersikap sombong, angkuh dan keras kepala dalam menghadapinya (Ayat: 2).

(g) Orang-orang musyrikin Mekah diingatkan supaya mengambil pengajaran daripada sejarah, dikatakan kepada mereka bahawa bukan mereka orang yang mula-mula mendustakan seruan seperti yang dibawa oleh Nabi Muhammad, malah sebelum mereka telahpun berlalu kaum Nuh, kaum 'Aad, kaum Fir'aun, kaum Tsamud, kaum Luth dan Ashaabul Aikah, mereka juga mendustakan para rasul. (Ayat: 12-13).

(h) Orang-orang musyrikin Mekah diancam dan mereka disuruh supaya merenungi sejarah untuk mengetahui berapa banyak bangsa-bangsa telah dibinasakan. Walaupun mereka berteriak dan bertempik,

mereka tetap tidak mendapat tempat perlindungan (Ayat: ").

3. Di dalam surah ini disebutkan sifat tiga orang rasul yang suka merujuk dan kembali kepada Allah.

Mereka ialah Nabi Daud, Sulaiman dan Ayyub. Kepada semua mereka diberikan gelaran أُوَّاب.

(a) Nabi Daud adalah seorang hamba Allah yang setia, beliau juga seorang penguasa tetapi beliau suka kembali dan merujuk kepada Allah (Ayat: 1^V).

(b) Nabi Sulaiman juga seorang hamba Allah yang setia, dia juga mempunyai kuasa tetapi beliau bersifat فراب (seorang yang suka merujuk dan kembali kepada Allah) (Ayat: 30).

(c) Nabi Ayyub juga seorang hamba Allah yang setia, beliau adalah seorang yang sangat sabar, gelaran أوّاب juga diberikan kepadanya (Ayat: 44).

- 4. Di dalam surah ini disebutkan istighfar dua orang nabi iaitu Nabi Daud dan Nabi Sulaiman.
- (a) Nabi Daud telah beristighfar kepada Allah, beliau tunduk dan patuh kepada Allah (Ayat: 24).

(b) Nabi Sulaiman juga telah beristighfar kepada Allah, selain berdoa kepadaNya agar tidak memberi kekuasaan yang begitu besar dan hebat kepada orang lain seperti yang diberikan kepadanya (Ayat: 35).

- 5. Di dalam surah ini juga dinyatakan akibat yang berlainan yang akan diterima oleh orang-orang yang tahu menghargai al-Qur'an dan orang-orang yang menolaknya.
- (a) Qur'an adalah sebuah kitab nasihat, orang yang menjalani kehidupannya dengan penuh hati-hati sesuai dengan ajaran al-Qur'an akan mendapat tempat kembali yang terbaik (Ayat: 49).

(b) Orang-orang yang tidak menerima nasihat al-Qur'an, sebaliknya hidup dalam keadaan derhaka dan melampaui batas akan mendapat tempat kembali yang paling buruk (Ayat: 55).